

Spencer Birns - Prif Swyddog Gweithredol,
Maes Awyr Caerdydd
Wayne Harvey - Cadeirydd, Maes Awyr
Caerdydd
David Walters - Prif Swyddog Ariannol, Maes
Awyr Caerdydd

18 Tachwedd 2021

Annwyl Syriaid

Maes Awyr Caerdydd

Diolch i chi am ddod i gyfarfod y Pwyllgor ar 3 Tachwedd. Rwyf wedi rhestru isod y camau gweithredu sy'n codi o'r gyfarfod a byddwn yn croesawu cael eich ymateb erbyn 7 Ionawr 2022:

- Gwnaethoch gytuno i wirio ffigurau'r Awdurdod Hedfan Sifil a chadarnhau'r ffigurau cywir ar gyfer y tunelledd a gludwyd o 2018 hyd heddiw. Byddai'n ddefnyddiol pe bai modd cael y ffigurau hyn fesul blwyddyn calendr, yn hytrach na fesul blwyddyn ariannol.
- Ym mis Mehefin 2020, dywedasoch wrth Bwyllgor yr Economi, Seilwaith a Sgiliau am y camau yr oeddech yn eu cymryd i leihau costau tra oedd y derfynfa ar gau. Fe wnaethoch gytuno i ddarparu'r ffigurau hynny i ni yn gyfrinachol y tu allan i'r sesiwn gyhoeddus.
- Gwnaethoch gytuno i ddweud wrthym yn ysgrifenedig sut y bydd y cyllid grant o £16 miliwn ar gyfer 2021-22 yn cael ei ddefnyddio, ac i ba raddau y bydd yn talu am refeniw a gollir yn 2021-22 yn ogystal â chostau gweithgareddau eraill.
- Cytunwyd hefyd i rannu gwybodaeth am y cerrig milltir a'r dangosyddion perfformiad a bennwyd i chi eu cyrraedd dros y pum mlynedd hyd at 2026, fel y'u manylir yn y Cynllun Achub ac Ailstrwythuro.

Yn ystod trafodaeth breifat y Pwyllgor o'r dystiolaeth a gafwyd, cytunodd yr Aelodau i ddychwelyd at y materion uchod gyda chi, mewn sesiwn breifat, yn y flwyddyn newydd. Byddwn hefyd yn ddiolchgar pe gallech anfon copi o'ch Cyfrifon Blyneddol ar gyfer 2020/21 ataf pan fydd y Bwrdd wedi eu cymeradwyo a'u hawdurdodi ar gyfer eu cyhoeddi. Dywedasoeh y byddai hyn yn digwydd cyn 31 Rhagfyr 2020.

Bydd Clerc y Pwyllgor yn cysylltu â chi i drefnu sesiwn breifat gyda chi.

Yn gywir,

A handwritten signature in dark ink, appearing to read 'Mark Isherwood', written over a horizontal line.

Mark Isherwood AS
Cadeirydd y Pwyllgor

